

# Dienelkander



## Nuusbrief van die Gereformeerde Kerk Potchefstroom-Oos

5 Mei 2013

**OGGENDDIENS:** student Danie Malan

**Skriflesing:** Genesis 22: 1-19

**Teks:** Genesis 22: 8

**Tema:** God voorsien 'n Ram vir die brandoffer, daarom kan ons leef.

### Ontmoetingsdiens

Intreelied: Ps. 105-1: 5, en 6; Ps. 107-1: 5 en 6; Votum; Seën; Lofsang Ps. 107-1: 1-2; Apostoliese Geloofsbelofte

### Verootmoedigingsdiens

Wet Eksodus 20; Antwoord op die wet  
Ps. 25-1: 2 en 5; Gebed

### Woorddiens

Skriflesing; Sing Ps. 119-1: 23 en 25;  
Prediking

### Antwoorddiens

Gebed; Liefdegawes; Slotsang Sb. 8: 1,  
en 3 - 5; Seën; Sing Sb 13-3.

### AANDDIENS:

**Skriflesing:** Galasiërs 3:21-4:7 en  
Heidelbergse Kategismus Sondag 46

**Teks:** Galasiërs 4:6

**Tema:** Bid tot die Vaderhart van God.

Verlede Sondagaand het ons stilgestaan  
by die "waarom, hoe en wat" van gebed.  
Nou word dit tyd om dieper in te grou in

die "wat" van gebed. Daarom dat ons  
vanaand gaan stilstaan by hoe ons, in die  
Onse Vader-gebed, leer om God aan te  
spreek in ons gebede. Die twee woorde,  
"Ons Vader", is eenvoudige woorde, maar  
tog is daar 'n besonderse betekenis in  
hierdie woorde. Mens staan eintlik  
(ver)stom wanneer jy dink oor wat hierdie  
twee woorde alles beteken. Kom vind  
vanaand saam uit...

### Vooraf sang

Sb. 16-1: 1, 2, 6, 7 en Sb. 20-2: 1, 2, 6, 7

### Ontmoetingsdiens

Votum ; Seëngroet; Loflied Sb. 1-1: 1, 2,  
7; Gebed

### Woorddiens

Skriflesing; Sing Sb. 17-1:1, 5;  
Woordverkondiging

### Antwoorddiens

Stilgebed en Gebed; Liefdegawes; Gebed  
vir BNB; Sing Ps. 89-1:7, 10, 11; Seën;  
Amen Sb 13-3

### MEELEWING

- Oom Johan Coetzee (wyk 4 - 083 985 9465), ontvang tans behandeling in Klerksdorp.
- Mia v Emmenis, dogterjie van Aliana was die afgelope week in Medi-Kliniek

met erge bronkitis. Sy is ontslaan en sterk nou tuis aan.

- Pieter Bredenkamp (wyk 24 - 082 879 7507) het Vrydag 'n breukoperasie ondergaan en sterk nou aan.
- Gerrit en Hestie Janse v Rensburg se 2-ling dogterjies is ook uiteindelik huis toe! Ons is saam met julle dankbaar en hoop julle geniet elke oomblik saam met hulle!

**Ons bid dat die Here spoedig beterskap en herstel sal gee.**

**ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID**

Br Hennie vd Berg, Sr Sannie Reyneke, Sr Filina Coetsee, Sr Marianne Kruger, Sr Bettie Ras, Sr Janet vd Walt, Sr Tokkie Theunissen en Sr Nella Swanepoel.

**BAIE GELUK**

Michiel en Marian de Kock se dogter is Saterdag getroud op Tulbach!

**ONDERSTEUNING VIR SIEKES**

**Vir ondersteuning of besoeke deur die hospitaalbesoeke-diensgroep, skakel vir:**

Anna Smith	082 765 9813
Marian de Kock	082 950 4358
Marique Reichel	082 657 4508
Annatjie Grobler	073 258 7833/ 018 290 9974
Marietjie Venter	082 852 6870/ 018 290 6266

of e-pos [siekies@oosdoppers.co.za](mailto:siekies@oosdoppers.co.za)

**AFKONDIGINGS**

**Die volgende aktiwiteite vind DV hierdie week plaas:**

**Vandag**

09:30 Gebedsgroep  
10:00 Oggenddiens  
Kleuterbediening  
Katkisasie  
Tee en koffie in die Skuur  
**16:30** Diakonie vergadering  
18:00 Aanddiens

**Maandag**

17:15 **Geen** Katkisasie (Gr. 9)  
18:00 Oosdopperfees  
19:00 Kassiere kommissie

**Dinsdag**

06:00 Manne Ondersteuningsgroep  
18:30 Katkisasie kommissie

**Woensdag**

10:00 Amandelbloeisels  
16:30 Katkisasie (Gr 10)  
17:15 Katkisasie (Gr 9 en Gr 11)  
18:30 Bybelstudie: Klipdrif  
19:00 Beginpunt  
KOMMISSIE VERSLAE IN

**Donderdag**

**HEMELVAARTDAG**  
19:00 Ges. Hemelvaartdiens by Bult kerkgebou (Moorivier bied aan)

**Saterdag en Sondag**

Jeugaksie

**FACEBOOK**

Ons herinner ons gemeente en jeug graag dat ons 'n "Facebook"blad het wat julle kan besoek. Gaan loer bietjie by <https://www.facebook.com/oosdoppers> en "like" ons bladsy.

## VERJAARSDAE

Baie geluk aan almal wat DV diè week verjaar!

### Sondag, 5 Mei

Sr Marilize v Deventer      082 822 8053

### Maandag, 6 Mei

Sr Ina Jordaan      082 375 7666  
Jsr Lara Naude      018 290 9681  
Sr Rita Venter      072 260 5082

### Dinsdag, 7 Mei

Jsr Zara Bezuidenhout      082 335 3304  
Sr Leatitia Powrie      076 844 1973  
Sr Alta Marais      084 286 9153

### Donderdag, 9 Mei

Sr Karin Conradie      084 608 0878  
Sr Izette Schouwstra      072 211 4797  
Sr Rina Vosloo      082 818 5196

### Vrydag, 10 Mei

Sr Corrie du Plessis      072 909 0715  
Br Huib v Hamburg      082 550 5493  
Sr Hannatjie du Plessis      072 827 4744

### Saterdag, 11 Mei

Jsr Amonè Delpot      079 156 2993  
Br Hein Kruger      082 920 1403

## BOTSWANA UITREIK VERVERSINGS

Ons belydenisklas onderneem elke jaar in die Oktobervakansie 'n uitreik na Botswana. Ons gemeente help hulle om hierdie uitreik finansieel moontlik te maak deurdat elke katkisasieklaas geleentheid kry om op 'n Sondag verversings te bring wat in die voorportaal van die saal geplaas word.

U kan van hierdie verversings neem vir 'n donasie wat u in die houer op die tafel plaas.

Baie dankie aan die Gr 5 ouers wat vandag regstaan. Die katekte van die klasse moet onthou dat julle en julle

klassies vandag die verversings bedien en lidmate daar ontvang en na die tyd opruim.

## ANDER AFKONDIGINGS

- Liefdegawe vanoggend vir Barmhartigheid.

**Die Diakonie ervaar 'n tendens van toenemende behoefte by lidmate om finansiële ondersteuning. Kom ons wat genoeg van die Here ontvang, gee ruim met vrywillige harte om die Diakonie in staat te stel om die groeiende behoeftes te kan ontmoet.**

- Gawe by die deure vanoggend vir GKSA: Sustentasie.
- Gawe volgende Sondag vir Emeritusfonds.
- Vrywillige bydrae vir voertuigsekuriteit kan in die bussies by deure gesit word.
- Diensbeurte: Wyk 1 en 2.

## JEUGNAWEEK - 11 EN 12 MEI 2013

Onthou asb. van ons Jeugaksie die 11de Mei en Syferfontein uitreik die 12de Mei. Ons vertrek 7h30 vir 8h00 die 11de Mei, almal - jeug, ouers en katekte ingesluit vanaf die kerk na die plaas van JD Aucamp hulle om te gaan stap. Onthou julle rugsakke, stapskoene, eet en drinkgoed vir die stap. Ons gaan ook 'n blaaskans vat en besin oor die 12de Mei se uitreik na die Syferfontein gemeenskap net na die oggenddiens. Ons vertrek almal vanaf die kerk net na die oggenddiens en kry mekaar by die kerktoring. Ons vra die katekte om met die jeug op te volg deur die week en vir Adele by die kerkkantoor die getalle deur te gee. Almal word gevra om deel te wees van 'n heerlike herfsoggend stap in die natuur. Ons sal weer tussen 13:00 en 14:00 terug wees in die dorp. Koste is R10 per kind vir 'n baie goeie doel.

Jeugkommissie

## **DANKIE HERE VIR: Die genade om as gemeente saam te kan bid; ook vir ons bediening na Buite**

Indien daar iets is waarvoor jy dink ons as gemeente die Here moet dank, stuur dit deur na die kerkkantoor of ds. Karel.

### **BEDIENINGSTRATEGIE**

Daar is afskrifte van die Bedieningstrategie beskikbaar in die Skuur vir lidmate wat graag daardeur wil lees. U kan dit ook elektronies van Adele aanvra. Ons sal gaag terugvoer wil ontvang rondom ons Bedieningstrategie. Enige kommentaar op die Bedieningstrategie kan gerus aan Adele of aan ds. Karel deurgestuur word.

### **ONS LITURGIE**

‘n Paar sondaе gelede het ons begin met ‘n reeks preke oor die liturgie van ons eredienste. Maar wat is “liturgie” en hoe pas dit in ons eredienste in? Die woord “liturgie” word afgelei van ‘n Griekse woord, *leitourgia*, wat eenvoudig vertaal kan word met “die diens van die volk”. Die liturgie verwys dus na hoe ons dinge in ons erediens doen - hoe ons God dien in ons eredienste. Tog gaan hierdie eredienste nie net oor ons samekoms op Sondaе nie, maar ook oor die erediens van ons lewe. Daarom dat dit wat ons Sondaе in ons samekomste doen, iets moet weerspieël van ons lewe van elke dag.

Om hierdie rede is dit belangrik dat ons eredienste op Sondaе sekere eienskappe moet dra. Ons eredienste moet feestelik wees en dit moet ook daarop gerig wees om ons as gemeente te laat groei in ons verhouding met mekaar. Verder is ‘n erediens nie net eenrigting verkeer nie. Dit is ‘n ontmoeting van ons Here met sy gemeente. Daarom dat ons eredienste ‘n dialoog moet wees. Daar is geleenthede

waar ons na God luister (soos wanneer ons Bybel lees) en daar is geleenthede waar ons antwoord (sang en gebed).

Omdat die erediens ons moet laat groei in ons verhouding met mekaar en met God, is dit belangrik dat ons eredienste ordelik moet wees. Ordelikheid beteken **nie** volgorde **nie**. Ordelikheid beteken dat alles in ons eredienste só gedoen moet word dat dit die groei in ons verskillende verhoudings stimuleer.

Tog is ons eredienste nie gesluit vir die wêreld nie en daarom mag dit ook nie wêreldvreemd wees nie. Daarom dat die Sinode van die Gereformeerde Kerke lank reeds besluit het dat daar nie iets soos spesifieke kleredrag vir eredienste of “ampsdrag” mag wees nie. Dat die samekomste van ons gemeente op die wêreld gerig moet wees, hoor ons reeds by Paulus wat, byvoorbeeld, vir die gemeente in Korinte gesê het dat wanneer ‘n ongelowige in ‘n samekoms inloop, dinge só moet gebeur dat hy of sy op ‘n punt sal kom om te sê: “Waarlik, God is hier met julle!”

Mag die volgende paar weke se preke oor die erediens en oor dit wat ons in die erediens doen elkeen van ons verryk. Mag ons daardeur versterk word om die erediens van ons lewe tot die eer van God te lewe en mag elkeen van ons weer opnuut dink en praat oor hoekom ons eredienste lyk soos dit lyk en of dit werklik slaag in hierdie doelwitte.

### **WYKSBYEENKOMSTE**

**Wyk 12 nooi wyk 21 en 25** vir ‘n pannekoekbraai by Dana en Annari Schutte, langs Pinegrove, aan regterkant van N12, op Sondag 19 Mei direk na die oggenddiens. Kom kyk wat dit behels en

kuier lekker saam! Op die manier leer ons mekaar ken.  
Bevestig asb by 082 765 9813.

**Eerskomende Donderdag** is daar nie enige wyksbyeenkomste nie, weens die Hemelvaartsdiens by Gereformeerde Kerk Potchefstroom-Die Bult. **Wyke 25 en 27** het hul wyksbyeenkoms op 16 Mei 2013. Dit is die laaste wyksbyeenkoms tot na die Oosdopperfees.

### GEMEENTE PROFIELE EN FOTOS

Die kommunikasie kommissie wil graag fotos en 'n profiel van elke gesin kry. Dit sal in die toekoms op die groot skerm gewys word voor die eredienste sodat die gemeente mekaar beter kan leer ken. Daar word versoek dat gesinne 'n gesinsfoto vir die kerkkantoor stuur met 'n kort bekendstelling van die lede van die gesin. Kontak gerus u diaken vir hulp as u nie die vermoë het om 'n foto of profiel te stuur nie. U gesin kan ook eersdaags by die fotostalletjie van die Oosdopperfees fotos laat neem vir hierdie aangeleenthedeid.

### KENNISGEWINGBORD

- Skolieskamp Gr 10-12 7 tot 12 Julie 2013.
- Nuwe boek by PTP - "Kinders MOET beskerm word!"
- Optrede 18 Mei 2013 - Adam Tas

### GEBEDE VIR BEDIENING NA BUISTE UIT "DIE SAAIER"

**Suid-Korea:** Aangesien ons samelewing toenemend digitaal ingestel is, het ons Bybels vir slimfone en tabletrekenaars ontwikkel, en versprei ons dit sedert verlede jaar. Ons bid dat hierdie applikasies mense se interaksie met die Woord van God sal bevorder. Ons het met 'n nuwe Bybelvertalingsprojek begin ten einde ons jeug, die toekomstige leiers van Korea, met goeie kennis en begrip van die Bybel toe te rus. Bid dat die Here

hierdie vertalingsprojek sal seën en wysheid aan al die vertalers sal skenk.

**Noord-Korea:** Baie Noord-Koreane ly steeds as gevolg van 'n tekort aan voedsel en energie. Mense word hulle vryheid en menseregte ontnem. Ons bid dat die Here die deure sal open sodat ons die Bybel aan die Noorde kan voorsien.

### BILTONGFEES - GEREF. KERK MOORIVIER

Wintertyd is Biltongtyd. Die Gereformeerde Kerk Potchefstroom Moorivier bied weer hulle jaarlikse Biltongfees aan op Vrydagaand 17 Mei 2013 om 18:00 vir 18:30, by die Banketsaal, Potchefstroom. Drag: netjies informeel. R120 per volwassene, R50 per laerskoolleerder,(hoërskoolleerders word gereken as volwassenes!) en R10 per kleuter. Daar is 'n kontantkroeg beskikbaar. Geen ander drank nie asseblief. Biltongverpakkings teen R120 per kilogram word te koop aangebied. Die Biltongfees is in die vorm van 'n buffet-ete. Eet soveel biltong, droëwors, en van die ander vleisprodukte, as jy kan of wil. MAAR GEEN WOEFKARDOESE/DOGGIEBAGS NIE!!! Daar sal ongeveer 20 verskillende soorte droë vleisprodukte wees, (wild-en beesvleis) en tuisgebakte brode en 'n verskeidenheid konfytte.

Vir verdere navrae en kaartjies skakel ds. Koos Mouton by 0829253959. Geen kaartjies by deure. Tafels word vooraf gedeck, daarom wil ons teen Woendagaand 15 Mei weet vir hoeveel mense om tafels te dek. Ons kan 'n maksimum van omtrent 750 mense akkommodeer. As jy nog dit wil bywoon, moet jy nie te lank draai nie. Kaartjieverkope begin nou vinnig toeneem. Kaartjie-verkope sluit dus Woensdag 15 Mei om 18:00. Groepe kan saam aan 'n tafel sit- sê net vir ons vooraf

hoeveel jou groep/familie/vriendekring is dat ons vir julle kan gereedmaak.

## BESOEK AAN BEJAARDE LIDMATE VAN KLIPDRIFGEMEENTE

Saam met Paul en Marie het ons gaan kennis maak met dié oumense. Daar is 4 besoekpunte. Net een woon in 'n steenhuis met krag en water. Die ander in makuku's met **geen** water. Ons word oral vriendelik ontvang en party teen stoele by die bure sodat ons kan sit.

Dis duidelik dat hulle (indien moontlik) teologiese student Peter Hattingh se dienste in die kerkie bywoon. Party dra dit wat hulle gehoor het oor aan ander wat nie daar was nie.

Die armoede is oral sigbaar. Pensioengeld kom ook net sò ver. Hout kos R30 vir 'n pak wat 4 dae hou. Water kos R20 vir 25L. Ons het houers vol kraanwater geneem asook hout. (Dankie aan gemeentelede wat houtwerk doen en vir ons hulle afvalstukkies saamgegee het!)

Die groente wat ons gegee het, was baie welkom. Die mense dankbaar.

Daar is 'n behoefte aan kastrolle, emmers, skottels, bekers, borde, ketels en gordyne. Laasgenoemde word aan binnekant van die sinkmure gehang as isolasie.

Kontantbydraes en skenkings van blikkieskos, droë bone, koffie, tee, suiker, mieliemeel, meel en olie sal baie help.

Dalk kan kleingroepe onderneem om hiermee te help?

Die doel is nie om hierdie mense afhanklik te maak van ons bydraes nie, maar om as medegelowiges uit te reik.

By elke besoekpunt het Paul uit die Woord gelees en gebid. Die eenvoudige waarheid en bemoediging beteken vir hulle baie. Aangeraak en met groot dankbaarheid oor ons seëninge keer ons terug.

Paul, Marie, June, Marietjie en Louisa

## AMANDELBLOEISELS

Ons nooi al ons Amandelbloeisels uit na ons byeenkoms, eerskomende Woensdag om 10:00 by die Skuur. Prof Floor kom spreek ons toe!

## VLEISBESTELLINGS

Daar is nog vleisbestelvorms in die voorportaal en in die Skuur beskikbaar indien u nog nie een ingevul het nie.

## PROJEKTE

**Beste Gemeentelede die dankbaarheidsbydraevorms is uitgedeel aan jou wyksuster. Kontak haar indien jy gou jou vorm wil ontvang en jou bydraes wil deurgee. Die Oosdopperfees is jou geleentheid om jou dankbaarheid te toon! Wat 'n voorreg om deel te wees van Potchefstroom-Oos!**  
**Vorms is in voorportaal van saal en kerk ook beskikbaar.**

## Oosdopperfees: 25 Mei 2013!

Wat 'n feesgeleentheid is dit nog elke jaar! Ons sien met opgewondenheid uit daarna!

Behalwe die reeds bekende **Vleisverkoping** waarna baie mense uitsien en die vrieskaste leeg hou, is daar baie ander lekker dinge wat ons dag vul.

## Boeke / CD's / DVD's

Ons wil graag julle al aanmoedig om vir die Boeke Oase die oortollige boeke in jul kaste te bring sodat ons dit daar beskikbaar kan stel aan lidmate. Die Boeke-Oase was verlede jaar ons beste staljetjie by die Oosdopperfees en het ook die meeste fondse geïn! Bring gerus die wat jy verlede jaar daar gekoop het en klaar gelees het, sodat ons dit weer met ander kan deel! Enige navrae oor die boeke-oase kan by Ment Larney gedoen word. Ook ou CD's en DVD's. Die van

julle wat speletjies het wat hulle ook wil verkoop is welkom! Iemand anders kan dit weer geniet!

Ons **Handelshuis** is elke jaar 'n groot treffer en julle kan solank beplan wat jy gaan bydrae vir die handelshuis. Goeie gebruikte klere vir babas en kinderklere, gebak veral koeke (een laag) en klein koekies, konfytte, ingelegde vrugte, eiers, groente, plante, biltong, houtspeelgoed, bruikbare tweedehandse speelgoed, Wit Olifant items en goeie 2de handse tydskrifte (bv. finesse, Weg, Juig) ens. Dus enige iets wat jy kan bydrae vir ons Handelshuis is baie welkom. Wit Olifantprodukte is ook welkom.

**NB! Ons wil ons gemeentelede versoek om te help met die bak van koeke, brode, terte en kleinkoekies. Bak gerus jou gunsteling kleinkoekies by die huis en bring vir ons dan sal ons dit vir julle verpak!**

Die **Poedingtafel** is altyd 'n moet by die Oosdopperfees en hier is jou kans om jou lekkerste poeding vir ons te bring! Beplan asseblief betyds en maak seker dat ons elkeen 'n lekker bakkie poeding kan eet hierdie jaar!

**Vlugbal ("Volleybal") kompetisie** - Ja dit is ook nou al 'n instelling by ons fees en hier is jul kans om daarby betrokke te raak! Al die jonges van gees kan deelneem en solank begin oefen. Praat met Gerrie van Deventer as jy graag wil deelneem.

**Grilgrot (Spookhuis)** - Die gewilde grilgrot benodig 'n nuwe span om dit te beplan, uit te voer en te bestuur en ons sal bly wees as die van julle wat bereid is om daarmee te help met Rieëtte Venter gesels!

**Uitstallers** is welkom om ons te kontak vir uitstalgeleenheid. Praat met Rieëtte Venter en / of Adele Delpot.

**Kom neem jou Kiekie!** Karin Conradie gaan hierdie jaar weer daar wees vir mooi fotos en lekker lawe foto's - kom maak herinneringe bymekaar!

### **Pannekoek**

**Baie** hulp word benodig om hierdie lekkerny beskikbaar te hê by die verkoping. In die portaal by die Skuur is 'n lys waar u kan aandui waar u kan help. Broeders is ook baie welkom! Dankie byvoorbaat!

Ons bekende **hondeskou** vind ook weer plaas. Kontak gerus vir Heleen Kruger (082 571 0028) om enige van jou troeteldiere in te skryf en oulike pryse te wen! Ons heg ook graag vandag 'n inskrywingsvorm vir jou aan.

## **BEROEPE NUUSBEROEPE ONTVANG**

### **BEROEPE ONTVANG**

- Ds DJ Dykstra van Colesberg/Bloemburg/Philippolis na Nigel.
- Ds BCG Fourie van Kameeldrift na Newcastle.

### **BEROEPE AANVAAR**

Ds DJ Dykstra van Colesberg/Bloemburg/Philippolis na Nigel

# SUSTERS



## TEESKINKGELEENTHEID

Tee word vandag bedien deur wyke 11, 22 en 24. Baie dankie vir die dames wat help met die skink en opwas!

Daar is weer vandag poeding beskikbaar teen 'n donasie. Die geld wat hiermee geïn word, word vir die Koningskinders aangewend. Onthou 'n donasie van ± R8 per bakkie poeding, dit is 'n billike riglyn en baie waarde vir jou geld!

## KWARTAAL PROGRAM

DATUM	DAG	TYD	WIE	WAT
19 Mei	Sondag	16:00	Blok A	Kerkraadsvergadering - verversings
20 - 24 Mei	Maan - Vry	13:00 en 18:00	Naamllys	Oosdopperfees - Vleiswerk - etes
25 Mei	Saterdag	09:00	Almal	Oosdopperfees
26 Mei	Sondag	17:30	Blok A	Jeugaand (Oos)
02-Jun	Sondag	19:00	Blok B	Ouderlingevergadering - verversings
04-Jun	Dinsdag	19:00	Blok D	Sustersamekoms
09-Jun	Sondag	12:00	Blok C	Nagmaalete

## MELKFONDS

Ons herinner u aan ons melkfonds - ons wend die geld aan om elke Sondag die bederf van melkkoffie te kan geniet! Ons waardeer u bydraes hiervoor baie!

## KOMBUISTOERUSTING

Baie dankie vir almal se bydraes vir ons kombuis. Ons waardeer baie!

## BAIE DANKIE AAN ONS BORG VAN DIE WEEK!

 <p><b>Kerkstraat 199</b> <b>Potchefstroom</b> <b>Tel: 297 7247</b> <b>MOOI RIVIER</b> APTEEK PHARMACY Elke dag oop tot 20:30</p>	<p>ESTÉE LAUDER</p> <p><b>PAYOT</b> PARIS</p> <p><b>Kanebo</b></p> <p><b>ROC</b></p>	<p>ORLANE PARIS</p> <p><b>CLARINS</b> PARIS</p> <p><b>REVLON</b></p> <p><b>GREEN + CROSS</b></p>
--	--	--

# **Troeteldierskou Inskrywingsvorm**

Geref.Kerk Potchefstroom-Oos

Paryslaan Bailliepark 12:00, Saterdag, 25 Mei 2013

# **Oosdopperfees**

**25 Mei 2013**

**Naam van eienaar:** .....

**Naam van troeteldier:**.....

## **Katogorieë:**

1. Besgekleede hond
2. Besversorgde hond
3. Gehoorsaamste hond
4. Lelikste hond
5. Baas en hond "look-alike"
6. Oulikste troeteldier

**Kontakpersoon:** Heleen Kruger 082 571 0028


